

Peredur Owen Griffiths AS  
Cadeirydd y Pwyllgor Cyllid  
Senedd Cymru  
Tŷ Hywel  
Bae Caerdydd  
CF99 1SN

19 Mawrth 2024

Annwyl Peredur

Ysgrifennaf atoch i rannu'r wybodaeth ddiweddaraf am yr argymhellion a ganlyn fel rhan o'r gwaith dilynol ar adroddiad y Pwyllgor, 'Craffu ar Gyllideb Ddrafft Comisiwn y Senedd 2024-25'. Cytunwyd y dylid rhoi'r wybodaeth hon i'r Pwyllgor erbyn diwedd y flwyddyn ariannol hon.

- **Argymhelliad 3** – Adroddiad ar effaith bosibl unrhyw arbedion a wneir yn 2023-24 ar flwyddyn ariannol 2024-25 (Atodiad 1).
- **Argymhelliad 7** – Rhagor o wybodaeth am brosiect Bae Caerdydd 2032. Cynhaliwyd sesiwn briffio technegol ar 6 Mawrth ar gyfer aelodau'r Pwyllgor.
- **Argymhelliad 8** – Rhestr o brosiectau i'w hariannu drwy'r Gronfa Prosiect yn 2024-25 (Atodiad 2).
- **Argymhelliad 11** – Adroddiad yn manylu ar y Cynlluniau Ymgysylltu ar gyfer y flwyddyn ariannol i ddod (Atodiad 3).
- **Argymhelliad 6** – Bydd gwybodaeth am yr arolwg staff, gan gynnwys gwybodaeth am lesiant staff, yn cael ei darparu unwaith y bydd yr arolwg sydd ar agor ar hyn o bryd wedi'i gwblhau a'r adroddiad arno wedi'i gyhoeddi. Ar hyn o bryd, rydym yn rhagweld y bydd y wybodaeth hon ar gael i'r Pwyllgor yn dilyn cyfarfod y Comisiwn ym mis Mehefin.

Mae'r Comisiwn yn cadarnhau y bydd yr ymatebion i'r argymhellion sy'n weddill yn cael eu darparu yn unol â'r llythyr dyddiedig 9 Tachwedd 2023 a anfonwyd at y Pwyllgor.



**Senedd Cymru**  
Bae Caerdydd, Caerdydd, CF99 1SN

✉ Cysylltu@senedd.cymru  
☎ 0300 200 6565

**Welsh Parliament**  
Cardiff Bay, Cardiff, CF99 1SN

✉ Contact@senedd.wales  
☎ 0300 200 6565

Mae'r Comisiwn yn parhau'n ymrwymedig i fod yn agored ac yn dryloyw wrth ymgysylltu â'r Pwyllgor Cyllid. Os oes angen rhagor o wybodaeth arnoch neu os hoffech imi egluro unrhyw elfen o'r wybodaeth a ddarparwyd, mae croeso ichi gysylltu â mi.

Yn gywir

A handwritten signature in black ink, consisting of the name 'Ken' followed by a stylized, cursive monogram that appears to be 'SS'.

Ken Skates AS

Copi at Manon Antoniazzi

Croesewir gohebiaeth yn Gymraeg neu Saesneg / We welcome correspondence in Welsh or English

# Adroddiad ar effaith bosibl unrhyw arbedion a wneir yn 2023-24 ar flwyddyn ariannol 2024-25

## Diben yr adroddiad hwn

Mae'r adroddiad hwn yn rhoi'r wybodaeth ddiweddaraf i'r Pwyllgor Cyllid am yr effaith y bydd unrhyw arbedion a wneir yn 2023-24 yn parhau i'w chael ar wasanaethau a phrosiectau arfaethedig yn 2024-25, fel y nodir yn Argymhelliad 3 o'r adroddiad, 'Craffu ar Gyllideb Ddrafft Comisiwn y Senedd 2024-25'. Mae'r argymhelliad wedi'i nodi isod.

**"Argymhelliad 3** Mae'r Pwyllgor yn argymhell bod y Comisiwn yn rhoi'r wybodaeth ddiweddaraf am yr effaith y bydd unrhyw arbedion a wneir yn 2023-24 yn parhau i'w chael ar ei wasanaethau ac unrhyw brosiectau arfaethedig ar gyfer 2024-25, erbyn diwedd blwyddyn ariannol 2023-24."

## Y cefndir

Yn 2023-24, cynigiodd y Comisiwn arbedion o £435,000 yn y Cais am y Gyllideb Atodol gyntaf, a oedd yn rhan o'r gyllideb a gymeradwywyd ym mis Tachwedd 2023. Ym mis Medi 2023, mewn ymateb i gais gan Ochr yr Undebau Llafur o ran cymorth costau byw, gwnaeth y Comisiwn arbedion ychwanegol gwerth cyfanswm o £794,000 i'w alluogi i fforddio gwneud taliad i'r holl staff cymwys ar radd 6 ac is.

Cyfanswm yr arbedion yr oedd yn rhaid eu sicrhau yn 2023-24 oedd £1.229 miliwn yn ystod y flwyddyn. Gwnaed yr arbedion hyn ar draws amrywiaeth o linellau yn y gyllideb, gan gynnwys oedi'r broses recriwtio a defnyddio dyddiadau cychwyn targed wrth recriwtio i swyddi gwag.

## Cais am y Gyllideb Atodol gyntaf

Drwy'r cais am y gyllideb atodol gyntaf ym mis Mehefin 2023, cafodd £435,000 ei ddychwelyd i Gronfa Gyfunol Cymru. Gwnaed yr arbedion perthnasol yn y tri maes a nodir isod.

- Costau rheoli cyfleusterau a chyfleustodau o £208,000;
- Costau TGCh o £107,000; a
- Gostyngiad cyffredinol o £120,000 yn y Gronfa Prosiect

## Arbedion Costau Byw

Ym mis Medi 2023, aeth y Comisiwn ati i nodi rhaglen o arbedion cyllidebol cychwynnol i ariannu'r cais am gymorth o ran costau byw. Cost amcangyfrifedig y cymorth hwn oedd £824,000. Ariannwyd hyn trwy gyfuniad o ostyngiadau mewn gwariant dewisol nad yw'n

gysylltiedig â staff ynghyd â rhaglen o reoli recriwtio a oedd yn cynnwys oedi'r broses recriwtio ar gyfer rhai rolau a rheoli recriwtio ar gyfer rolau eraill drwy gyflwyno dyddiadau cychwyn targed.

Cost derfynol y taliad oedd £794,000 a chafodd y cyllid ar ei gyfer ei sicrhau fel a ganlyn:

- Arbedion yn gysylltiedig â staff drwy reoli recriwtio - £588,000
- Arbedion nad oeddent yn gysylltiedig â staff - £206,000.

Nodir cyfanswm yr arbedion yn 2023-24, wedi'u rhannu'n gostau sy'n gysylltiedig â staff a chostau nad ydynt yn gysylltiedig â staff, yn nhabl 1 isod.

Tabl 1

<b>Categori Arbedion</b>	<b>£</b>
Yn gysylltiedig â staff	588,000
Heb fod yn gysylltiedig â staff	641,000
<b>Cyfanswm</b>	<b>1,229,000</b>

## **Yr Effaith Barhaus yn 2024-25**

Yn gyffredinol, effaith barhaus yr arbedion a wnaed yn 2023-24 yw £491,500 yn 2024-25, sy'n cynnwys £200,000 o arbedion sy'n gysylltiedig â staff a £291,000 o arbedion nad ydynt yn gysylltiedig â staff. Mae'r tabl isod yn cynnwys crynodeb o effaith barhaus yr arbedion yn 2024-25.

	<b>Cyllideb atodol gyntaf</b>	<b>Costau byw Staff</b>	<b>Costau byw Heb fod yn gysylltiedig â staff</b>	<b>Cyfanswm</b>
	<b>£</b>	<b>£</b>	<b>£</b>	<b>£</b>
Lleihad parhaol parhaus, gan reoli camau i liniaru'r effaith	-	200,000	37,250	<b>237,250</b>
Lleihad parhaol parhaus, heb unrhyw effaith	232,000		15,250	<b>247,250</b>
Arbedion untro yn ystod y flwyddyn sydd heb barhau	203,000	388,000	146,500	<b>737,000</b>
Arbedion a nodwyd y byddant yn parhau drwy gynllunio gwasanaethau			7,000	<b>7,000</b>
<b>Cyfanswm</b>	<b>435,000</b>	<b>588,000</b>	<b>206,000</b>	<b>1,229,000</b>

Yr arbedion cyllidebol nad ydynt yn gysylltiedig â staff a fydd yn parhau yn 2024-25 yw £59,500 ar draws ystod o linellau yn y gyllideb. O'r 30 o linellau yn y gyllideb yr effeithiwyd arnynt yn wreiddiol yn ystod 2023-24, mae 14 wedi dychwelyd i lefel wreiddiol y gyllideb ar gyfer 2024-25; mae 12 llinell arall yn y gyllideb wedi parhau ar lefel is yn seiliedig ar ddadansoddiad o wariant hanesyddol a newidiadau hirdymor yn y sylfaen costau o ganlyniad i weithio mewn ffordd hybrid; mae 2 linell yn y gyllideb yn llai o ganlyniad i ailnegodi contractau; tra bod y 2 linell yn y gyllideb sy'n weddill yn llai oherwydd newidiadau gweithredol a nodwyd drwy'r broses o gynllunio gwasanaethau ar gyfer 2024-25.

Mae nifer o resymau dros barhau â'r cynlluniau arbed:

- Mae'r gwaith o gynllunio gwasanaethau ar gyfer 2024-25 wedi helpu i lywio gofyniad cyllidebol llai.
- Roedd dadansoddiad hanesyddol o ddata am wariant yn dangos gofyniad cyllidebol llai.
- Mae gweithio hybrid wedi arwain at newid hirdymor i rai costau cyllidebol.
- Mae ailnegodi contractau wedi sicrhau gostyngiadau parhaol mewn costau.
- Mae newid ffyrdd o weithio oherwydd yr angen i wneud arbedion wedi arwain at fanteision cadarnhaol sy'n cael eu dwyn ymlaen.
- Roedd yn rhaid parhau i wneud yr arbedion targed ar gyfer 2024-25 mewn ffordd a oedd yn cael yr effaith leiaf bosibl ar wasanaethau.

## **Gwneud arbedion parhaol mewn ffordd sy'n rheoli'r effaith ar wasanaethau neu gapasiti**

Bydd cyfanswm o £237,250 o arbedion cyllidebol yn 2023-24 yn parhau i mewn i 2024-25, sy'n golygu y bydd yn rhaid rheoli'r arbedion hyn; caiff arbedion gwerth £200,000 eu sicrhau drwy gyflwyno dyddiadau recriwtio targed, yn ogystal ag arbedion nad ydynt yn gysylltiedig â staff gwerth £37,250.

Fel rhan o'r cyfanswm hwn, mae'r cyllidebau sy'n destun arbedion parhaus yn 2024-25 ac y gallent gael effaith ar Aelodau wedi'u nodi isod:

- Hyfforddiant i Aelodau
- Cyhoeddiadau ac ymchwil
- Lluniaeth ar gyfer y pwyllgorau
- Cynghorwyr a thystion arbenigol.

Mae gwariant ar hyfforddiant i Aelodau wedi parhau i gael ei leihau yn 2024-25 ond gyda gostyngiad llai nag yn 2023-24 ar ôl cwblhau'r gwaith o gynllunio'r ddarpariaeth yn 2024-25 a dadansoddiad o wariant hanesyddol, sydd wedi helpu i lywio gostyngiad cyffredinol o £30,000 y flwyddyn nesaf (cyllideb flynyddol o £115,000 yn weddill). Dangosodd y dadansoddiadau y dylai'r gostyngiad hwn gael effaith gyfyngedig, ac mae'r Comisiynwyr wedi cytuno ar set o egwyddorion i lywio'r gwaith o ddydd i ddydd o flaenoriaethu darpariaeth o ran dysgu a datblygu i Aelodau a'u staff fel sail i'r rhaglen hyfforddi sydd wedi'i llunio a'r ystyriaeth a roddir i bob cais dysgu a datblygu sy'n dod i law. Mae tanwariant parhaus o'r swm hwn wedi bod ar y gyllideb flaenorol bob blwyddyn yn ystod cyfnod estynedig y dadansoddiad (7 mlynedd). Mae hyn, yn ogystal â'r ffaith ei bod hi'n bosibl sicrhau gwell gwerth am arian drwy ddarpariaeth hybrid a dilyn yr egwyddorion uchod, yn galluogi i'r gostyngiad barhau. Y gostyngiad yn 2023-24 oedd £55,000.

Bydd y gostyngiad o £5,000 yng nghyllideb y Llyfrgell hefyd yn parhau (cyllideb flynyddol o £112,000 yn weddill). Y gostyngiad yn 2023-24 oedd £10,000. Fel yn achos hyfforddiant i Aelodau, mae dadansoddiad o wariant hanesyddol wedi llywio'r gostyngiad. Caiff y gyllideb ei rheoli'n fanwl drwy barhau i leihau faint o ddeunyddiau printiedig newydd sy'n cael eu prynu a blaenoriaethu rhai adnoddau dros adnoddau eraill. Mae'n anodd rhagweld galw Aelodau am ddeunyddiau printiedig ac adnoddau digidol, a chaiff pob cais am y deunyddiau hyn ei asesu'n ofalus.

Mae Lluniaeth ar gyfer cyfarfodydd y pwyllgorau hefyd yn parhau i wynebu gostyngiad o £2,250 yn y gyllideb ar gyfer 2024-25. Eto, mae hyn yn seiliedig ar ddadansoddiad o wariant hanesyddol yn y maes hwn sy'n dangos nad oes angen cynnal y gyllideb ar y lefel bresennol.

Mae cyfarfodydd hybrid, sy'n galluogi arbenigwyr a thystion i gymryd rhan o bell, hefyd wedi arwain at lai o wariant yn y maes hwn.

Bydd y gyllideb ar gyfer tystion a chynghorwyr arbenigol hefyd yn destun gostyngiad o £5,000 yn 2024/5 yn seiliedig ar wariant hanesyddol. Y prif reswm am yr arbedion hyn yw bod mwy o arbenigwyr a thystion yn gallu cymryd rhan o bell, gan eu galluogi i ddefnyddio eu hamser yn fwy effeithlon, sydd hefyd yn gostwng ein gwariant ar deithio a chynhaliaeth.

Caiff y cyllidebau hyn eu harwain gan alw, ac mae'r materion perthnasol eto wedi'u hystyried fel rhan o'r gwaith dadansoddi a arweiniodd at osod cyllideb briodol ar gyfer 2024-25 sydd â chapasiti digonol iddi.

Mae arbedion posibl sy'n gysylltiedig â staff o £200,000 wedi'u nodi ar gyfer 2024-25 fel rhan o'r adolygiad o effaith sefydlu proses o reoli recriwtio drwy gyflwyno dyddiadau cychwyn targed. Cafodd y broses hon ei chyflwyno ym mis Medi 2023. Nododd y rheolwyr recriwtio a'r tîm recriwtio ehangach eu bod yn gallu rheoli'r llwyth gwaith yn well erbyn hyn. Roedd manteision eraill a ddeilliodd o'r angen i wneud arbedion o ran costau staff yn cynnwys proses recriwtio well a'r gallu i baratoi ar gyfer cyfnod cynefino cyflogeion newydd.

Mae dadansoddiad o'r amser a gymerwyd i recriwtio ar gyfer swyddi allanol a swyddi mewnol yn ystod cyfnod o ddwy flynedd wedi dangos mai hyd cyfartalog y broses recriwtio yw saith mis a deg wythnos, yn y drefn honno. Wrth fodelu targedau recriwtio cyfartalog o chwe mis a thri mis, yn y drefn honno, nodwyd y bydd modd sicrhau arbedion ychwanegol o ganlyniad i'r camau i reoli recriwtio, yn ogystal â buddion cadarnhaol eraill. O ganlyniad, mae'r broses o recriwtio yn ôl targed yn cael ei dwyn ymlaen i 2024-25 fel rhan o'r broses o gynllunio'r gweithlu.

## **Arbedion parhaol yn y gyllideb heb unrhyw effaith ar wasanaethau neu gapasiti**

Bydd cyfanswm o £247,250 o arbedion yn parhau i mewn i 2024-25 a fydd yn sicrhau arbedion i'r gyllideb heb effeithio ar wasanaethau neu gapasiti. Isod, nodir rhai o'r cyllidebau allweddol sy'n cyfrannu at yr arbedion hyn, sydd wedi'u cyflawni'n bennaf naill ai drwy ailnegodi contractau neu drwy newidiadau i ffyrdd o weithio.

Mae arbedion contract TGCh o £107,000 a gyflawnwyd yn 2023-24 o ganlyniad i ailnegodi llwyddiannus a gwell rheolaeth ar gontractau hefyd yn cael eu dwyn ymlaen, gan arwain at ostyngiad tymor hwy yn y sylfaen costau TGCh. Mae'r arbedion wedi'u nodi isod ac nid ydynt yn effeithio ar wasanaethau neu gapasiti'r sefydliad.

- Gostyngiad yn y gyllideb yn dilyn tendr am wasanaethau darlledu: £22,000
- Gostyngiad mewn trwyddedu meddalwedd drwy reolaeth gadarn ar gontractau a defnydd effeithlon o drwyddedau: £35,000
- Defnydd effeithlon o'r Cwmwl a chamau i reoli seilwaith: £35,000
- Ailnegodi contractau trwydded Microsoft yn llwyddiannus: £15,000

Mae arbedion rheoli cyfleusterau ac ystadau o £208,000 ar y trywydd cywir tuag at gael eu cyflawni yn ystod 2023-24 drwy gyfuniad o'r camau gweithredu a ganlyn:

- Dim cynnydd mewn cyfraddau yn 2023-24 (£29,000)
- Arbedion ar y defnydd o drydan a nwy (£127,700)
- Postio a chludo (£15,000)
- Tanwydd ar gyfer boeler sglodion pren (£5,000)
- Llungopïo drwy leihau costau contract a lleihau defnydd (£45,000)
- Defnyddio llai o ddŵr (£10,000)

Defnyddiwyd rhai o'r arbedion hyn i dalu am cynnydd yng nghostau cyfleusterau'r ystad. Bydd tua £125,000 o'r arbedion hyn yn parhau yn 2024-25, megis costau postio, tanwydd ar gyfer y generadur, llungopïo, defnyddio llai o ddŵr, ac, i raddau llai, arbedion o ran cost nwy a thrydan. Mae tua £83,000 yn arbedion untro na fyddant yn cael eu hailadrodd yn 2024-25.

## **Arbedion a nodwyd y byddant yn parhau drwy gynllunio gwasanaethau ar gyfer 2024-25**

Drwy gynllunio gwasanaethau, nodwyd cyfanswm o £7,000 o arbedion yn 2023-24 a fydd yn parhau yn 2024-25 oherwydd newidiadau gweithredol ar gyfer y flwyddyn, gan leihau costau o gymharu â'r flwyddyn flaenorol.

## **Arbedion cyllidebol untro heb eu dwyn ymlaen i 2024-25**

Cyfanswm yr arbedion untro yn 2023-24 na fyddant yn cael eu dwyn ymlaen i 2024-25 yw £737,500, sy'n cynnwys arbedion o £388,000 sy'n gysylltiedig â staff ac arbedion o £349,500 nad ydynt yn gysylltiedig â staff ar draws 14 o linellau yn y gyllideb, gan gynnwys Ymgysylltu Rhyngwladol gan Aelodau, Digwyddiadau, ac Ymgysylltu ac Allgymorth. Mae'r holl linellau hyn wedi dychwelyd i'r lefel flaenorol yn y gyllideb.

Cafodd y gostyngiad o £120,000 yn y Gronfa Prosiect ar ddechrau'r flwyddyn ariannol effaith ar faint o gyllid oedd ar gael i'w ddyrannu i brosiectau yn ddiweddarach yn y flwyddyn. Canlyniad hyn yw bod prosiectau megis y polion fflagiau, ailosod teledu cylch cyfyng, gwaith



cynnal a chadw a phrosiectau cynaliadwyedd wedi'u gohirio neu eu lleihau. Dylid nodi bod y Bwrdd Gweithredol eisoes wedi penderfynu dyrannu unrhyw gyllid sy'n weddill i brosiectau cynnal a chadw yn chwarter 4 blwyddyn ariannol 2023-24 ac i ddiogelu'r gyllideb Cronfa Prosiect o £1.5 miliwn yn 2024-25 yn ei chyfanrwydd rhag unrhyw ostyngiadau, gan adlewyrchu nifer y prosiectau allweddol yn mae'n rhaid eu cyflawni yn y flwyddyn nesaf.

Rhoddwyd ystyriaeth arbennig hefyd i glustnodi arian at waith cynnal a chadw yn 2024-25 i sicrhau bod yr ystad yn parhau i gael ei chynnal i'r safonau angenrheidiol.

## Amserlen Cronfa Prosiect Comisiwn y Senedd 2024-25

Mae'r tabl isod yn nodi portffolio prosiectau'r Comisiwn ar gyfer 2024-25.

Er mwyn rheoli'r risg o danwario, mae'r Portffolio wedi'i or-raglennu, h.y. ni ddisgwylir i bob prosiect yn y tabl isod gael eu cyflawni yn 2024-25. Mae gor-raglennu yn ein galluogi i reoli portffolio o brosiectau ar wahanol gamau datblygu a chyflawni. Gall prosiectau a gymeradwywyd ymlaen llaw gymryd lle prosiectau a allai orfod gael eu hoedi neu eu stopio yn ystod y flwyddyn a/neu amsugno tanwariant prosiect arall oherwydd darpariaeth effeithlon.

Mae'r holl brosiectau wedi cael eu blaenoriaethu a'u sgorio gan y Grŵp Rheoli Portffolio a argymhellodd y Portffolio i'r Bwrdd Gweithredol i'w gymeradwyo. Mae sgorio yn seiliedig ar flaenoriaethau, sydd wedi cael ei osod gan y Bwrdd Gweithredol yn 2024-25 fel cyflawni gwaith cynnal a chadw a disodli cylch bywyd digidol ac ystadau, ynghyd â gwella profiad yr Aelodau a darparu gwasanaethau.

Mae'r Grŵp Rheoli Portffolio hefyd yn rheoli'r Portffolio yn ystod y flwyddyn, gan wneud argymhellion pellach i'r Bwrdd Gweithredol i sicrhau bod y portffolio'n cyflawni'r gwerth gorau posibl am arian ac yn darparu'r buddion gorau posibl, a bod prosiectau sylweddol yn derbyn cymaint o hyder o ran adnoddau â phosibl.

Y gost a ragwelir ar gyfer y Portffolio Prosiectau yw tua £1.8m. Mae'r Comisiwn yn rhagweld y bydd £1.3m o adnoddau ar gael i ddechrau i'w fuddsoddi gyda £200,000 arall yn cael ei ryddhau yn ddiweddarach yn y flwyddyn.

Prosiect	Statws	Math o brosiect
Prosiect Bae 2032	Yn mynd rhagddo	Rhaglen Ffyrdd o Weithio
Prosiect y Siambr 2026	Yn mynd rhagddo	Yn ymwneud â Diwygio'r Senedd
Prosiect Tŷ Hywel 25	Yn mynd rhagddo	Yn ymwneud â Diwygio'r Senedd
Camau 2 a 3 disodli a chynnal a chadw cylch bywyd teledu cylch cyfyng	I'w ddechrau	Cynnal a Chadw Cylch Bywyd

Archwiliad allanol o hygyrchedd gwefan y Senedd	I'w ddechrau	Cydymffurfio
Prosiect archifo'r Senedd	Yn mynd rhagddo	Cydymffurfio
Cwblhau cam 1 prosiect adnewyddu system y Gyflogres a Phensiynau	Yn mynd rhagddo	Cynnal a Chadw Cylch Bywyd
Adnewyddu System Reoli'r Llyfrgell	Yn mynd rhagddo	Cynnal a Chadw Cylch Bywyd
Prosiect cwmpasu cyrchu mewnol gwasanaethau'r Comisiwn	Yn mynd rhagddo	Rhaglen Ffyrdd o Weithio
Adnewyddu system rheoli dogfennau busnes y Senedd	Yn mynd rhagddo	Cynnal a Chadw Cylch Bywyd
Seilwaith TGCh - Perimedr a Wal Dân Cwmwl	I'w ddechrau	Cynnal a Chadw Cylch Bywyd
Seilwaith TGCh - Hyfforddiant Ymwybyddiaeth Defnyddwyr	I'w ddechrau	Cynnal a Chadw Cylch Bywyd
Cam 1 Rhaglen Buddsoddi Darlledu'r Comisiwn	I'w ddechrau	Cynnal a Chadw Cylch Bywyd
Seilwaith TGCh - System wrth gefn	I'w ddechrau	Cynnal a Chadw Cylch Bywyd
Astudiaeth Ddichonoldeb Uned Trin Aer ac Oerwr newydd ar gyfer Tŷ Hywel	I'w ddechrau	Cynnal a Chadw Cylch Bywyd
Ystadau: Cam 2 Astudiaeth Ddichonoldeb System Reoli'r Adeilad yn y Senedd	I'w ddechrau	Cynnal a Chadw Cylch Bywyd
Y Comisiwn yn cyflwyno rhaglen cit gweithfan a TGCh 24 i 25	I'w ddechrau	Cynnal a Chadw Cylch Bywyd
Seilwaith TGCh - llwyfan Rheoli Rhwydwaith Di-wifr	I'w ddechrau	Cynnal a Chadw Cylch Bywyd
Atgyweiriadau yn y Pierhead	I'w ddechrau	Cynnal a Chadw Cylch Bywyd
Uwchraddio'r rhwystrau yn y maes parcio (Braich Rhwystr) - Darnau Hanfodol	I'w ddechrau	Cynnal a Chadw Cylch Bywyd
System hawliadau Aelodau	I'w ddechrau	Gwella a Newid
LED newydd – Cam 6	I'w ddechrau	Cynnal a Chadw Cylch Bywyd
Prosiect datblygu deallusrwydd artiffisial (Microsoft Co-Pilot) - Cam 1	I'w ddechrau	Gwella a Newid

Cyngor proffesiynol TGCh arbenigol a gwasanaeth diogelwch bl 2	I'w ddechrau	Gwella a Newid
Prosiect System Rheoli Cysylltiadau Cwsmeriaid	I'w ddechrau	Gwella a Newid
Offeryn Ymgysylltu Ar-lein i Ddinasyddion ar gyfer pwyllgorau'r Comisiwn	I'w ddechrau	Gwella a Newid
Cynllun peilot gwasanaeth cwnsela ar safle'r Senedd	I'w ddechrau	Gwella a Newid
Larwm Llais Adeilad Senedd Cymru a System Sain Tŷ Hywel	I'w ddechrau	Cynnal a Chadw Cylch Bywyd
Trwsio Gliniaduron TGCh (ar ôl i'r warant ddod i ben)	I'w ddechrau	Cynnal a Chadw Cylch Bywyd
Seilwaith TGCh - MS Windows Autopilot	I'w ddechrau	Gwella a Newid
System glyweledol newydd ar gyfer Neuadd y Pierhead	I'w ddechrau	Cynnal a Chadw Cylch Bywyd
Prosiect datblygu deallusrwydd artiffisial (Microsoft Co-Pilot) - Cam 1	I'w ddechrau	Gwella a Newid
Cynnal a chadw ffonau symudol yr Aelodau	I'w ddechrau	Cynnal a Chadw Cylch Bywyd

# Rhaglen Ymgysylltu 2024-25

Chwefror 2024

## Diben a chrynodeb

Diben y papur hwn yw nodi'r Rhaglen Ymgysylltu allanol ar gyfer 2024-25 yn unol ag amcanion y Strategaeth Cyfathrebu ac Ymgysylltu'r Comisiwn ar gyfer y Chweched Senedd.

## Y cefndir

Yn dilyn ailstrwythuro yn 2022-23, ail-bwrpaswyd Gwasanaethau Ymgysylltu i gyflawni ei amcanion o dan y tri philer ymgysylltu:

- Profiad Ymwelwyr a Gwasanaethau Cwsmeriaid
- Digwyddiadau
- Rhaglenni ymgysylltu

Mae ein strategaeth yn ceisio meithrin ymddiriedaeth gyda'n cynulleidfa ac ailddatgan y Senedd fel calon democratiaeth yng Nghymru.

Rydym am i'r cyhoedd fod yn fwy gwybodus am rôl y Senedd, a'i lle yn nemocratiaeth Cymru. Rydym am iddynt wybod ble i ddod o hyd i wybodaeth a – lle bo'n berthnasol – sut i gymryd rhan.

Mae ein strategaeth yn gosod rhoi profiadau bywyd pobl wrth ei gwraidd. Ei nod yw meithrin gwell dealltwriaeth o waith y Senedd a'i effaith ar fywydau pobl, gan ddarparu mwy o gyfleoedd i bobl o bob cefndir gymryd rhan yn ei gwaith a meithrin mwy o ymddiriedaeth yn y Senedd, fel senedd sy'n gynhwysol a hygyrch i bawb.

Byddwn yn cyflawni hyn drwy gymryd y camau canlynol:

- Cynyddu ymwybyddiaeth o'r rôl y mae'r Senedd yn ei chwarae
- Gwella dealltwriaeth o waith y Senedd
- Cynyddu cyfranogiad a chynnwys pobl yn ein gwaith

Yn 2023, cyflawnodd timau o fewn Gwasanaethau Ymgysylltu y canlyniadau canlynol:

## Profiad Ymwelwyr a Gwasanaethau Cwsmeriaid

- Croesawyd dros **150,000** o ymwelwyr i'r Senedd a'r Pierhead, a chynhaliwyd **535** o deithiau tywys, gyda chyfuniad o deithiau ar leoliad ac ar-lein. Aeth **12,800** o gyfranogwyr ar y teithiau hynny.
- Yn ôl mwy na **75%** o'r rheini gwnaethom ymgysylltu â nhw, roedd lefel eu hymwybyddiaeth a'u dealltwriaeth wedi cynyddu yn dilyn y weithgaredd. Doedd oddeutu **70%** ohonynt erioed wedi ymgysylltu â'r Senedd o'r blaen.
- Fe wnaethom ddelio â chyfanswm o **14,000** o ymholiadau, rhwng galwadau ffôn a negeseuon e-bost.

## Digwyddiadau

### *Neilltuo lleoliadau, digwyddiadau a noddir gan Aelodau a digwyddiadau mawr*

- Atebwyd **14,413** o ymholiadau gennym. Roedd hyn yn cynnwys **8,272** ymholiad ynghylch neilltuo ystafelloedd a **5,098** ymholiad ynghylch neilltuo digwyddiadau.
- Fe wnaethom neilltuo tua. **2,580** o ystafelloedd ar yr ystad a chynnal **214** o ddigwyddiadau a noddir gan Aelodau.
- Aeth **764** o bobl, at ei gilydd, i un o **10** digwyddiad dan arweiniad y Senedd wedi'u cynnal ar yr ystad.
- Fe fuom yn sgwrsio â **6159** o bobl yn Eisteddfod yr Urdd, y Sioe Fawr a'r Eisteddfod Genedlaethol.

## Rhaglenni Ymgysylltu (y tîm Ymgysylltu â Dinasyddion a'r timau Addysg, a Senedd Ieuenctid Cymru)

### *Ymgysylltu â dinasyddion*

- Fe wnaethom ymgysylltu â **3,140** o bobl a chefnogi **46** o ymchwiliadau pwyllgor.
- Fe wnaethom hwyluso cyfanswm o **232** o grwpiau ffocws, cyfweiliadau, grwpiau cynghori, a holiaduron, ac ailddefnyddio data ymgysylltu fel modd o osgoi syrffed ar ymgynghori (h.y. argyfwng costau byw).

### *Addysg a Senedd Ieuenctid Cymru*

- Fe wnaeth dros **23,000** o bobl ifanc gymryd rhan mewn **577** o'n sesiynau addysg, ac fe wnaeth **98%** o bobl ifanc sôn fod hyd a lled eu dealltwriaeth wedi cynyddu ar ôl cymryd rhan mewn sesiwn addysg.
- Fe wnaethom ddelio â **760** o ymholiadau allanol o ran cyfranogiad aelodau Senedd Ieuenctid Cymru yn 2023, gan gynnwys cymryd rhan mewn nifer o gyfweiliadau a digwyddiadau ar y cyfryngau. At hynny, fe wnaethom gefnogi'r broses o gwblhau dau o ymgynghoriadau'r Senedd Ieuenctid, lansio adroddiadau a thrafodaethau Gweinidogol, yn ogystal â hwyluso sesiwn breswyl olaf y Senedd Ieuenctid yn yr ail dymor.

## Gweithgarwch ymgysylltu a phrosiectau

Ar draws y tri philer ymgysylltu, mae'r canlynol ymhlith ein gweithgareddau rheolaidd 'busnes fel arfer':

- Croesawu ymwelwyr i'n hystâd a darparu gwasanaeth cwsmeriaid (ymholiadau cyswllt cyntaf wyneb yn wyneb, dros y ffôn ac ar e-bost).
- Teithiau tywys (ar leoliad ac ar-lein).
- Arddangosfeydd (a noddir gan aelodau ac o dan arweiniad y Senedd).
- Cyflenwi'r siop chael nwyddau er mwyn creu incwm.
- Digwyddiadau a noddir gan Aelodau.
- Neilltuo ystafelloedd ar yr ystad.
- Digwyddiadau a chynyrchiadau mawr.
- Casglu profiadau byw ar gyfer ymchwiliadau amrywiol gan bwyllgorau.
- Ymweliadau ag ysgolion, ac ysgolion yn ymweld â ni.
- Rhedeg Senedd leuenctid Cymru.

Yn ogystal â gweithgarwch ymgysylltu busnes fel arfer, rydym yn gweithio ar nifer o brosiectau mewnol:

- Parhau i gyflawni yn erbyn y Strategaeth Gyfathrebu ac Ymgysylltu ar gyfer y Chweched Senedd – adolygiad hanner ffordd wedi'i gwblhau.
- System Rheoli Perthynas â Chwsmeriaid, cyflwyno cynllun peilot 12 mis yn seiliedig ar y 'prawf cysyniad' presennol – tra'n aros am gymeradwyaeth ariannol.
- Offer newydd at ddibenion ymgysylltu ar-lein – tra'n aros am gymeradwyaeth ariannol.
- Cyflwyno argymhellion cymeradwy o'r Adolygiad o'r Ystad.
- Cwblhau'r adolygiad o Gymhorthdal Teithio i'r Ysgol.
- Adolygu ymgysylltiad ysgolion (ymagwedd at ymweliadau, ac adnoddau).
- Gwelliannau parhaus i ddulliau casglu a gwerthuso data.
- Datblygu a chyflwyno strategaeth partneriaeth, gan weithio gyda'r Gwasanaeth Cyfathrebu.

At hynny, rydym yn ymwneud â gwaith ar draws dwy o raglenni mawr y Senedd:

- Diwygio'r Senedd (gan gynnwys paratodau ar gyfer trosglwyddo i'r Seithfed Senedd, ac ymgyrch etholiadol y Senedd).
- Ffyrdd o Weithio.

## **Y Rhaglen Ymgysylltu ar gyfer 2024-25**

Yn ogystal â'r uchod, mae'r tabl isod yn rhoi amlinelliad o'n rhaglen ymgysylltu ar gyfer 2024-25.

Nid yw hon yn amserlen derfynol o weithgarwch a gall newid yn dibynnu ar flaenoriaethau cystadleuol, ac anghenion cyllidebol. At hynny, mae rhywfaint o'n gweithgarwch yn dibynnu ar y Comisiwn yn cytuno ar y dull o nodi diwrnodau arwyddocaol.

<b>Mis</b>	<b>Gweithgarwch ymgysylltu</b>
<b>Ebrill</b>	Arddangosfa Senedd Ieuentid Cymru – noddir gan y Llywydd Yr Oriel, Chwefror – Mai
	Tapestri Peredur – noddir gan Paul Davies AS Cornel Curadu (Y Neuadd), Mawrth – Mai
	<i>What a Scenery</i> – noddir gan Heledd Fychan AS a Darren Millar AS Oriel y Dyfodol, y Pierhead, Ebrill – Mai
<b>Mai</b>	Eisteddfod yr Urdd – lansio ymgyrch etholiad Senedd Ieuentid Cymru (Eich Llais – Rhaglen Sioe Haf Ymgysylltu Cymunedol)
	Lansio ymgyrch 25 mlynedd: <ul style="list-style-type: none"> <li>• Sgriptiau teithiau tywys wedi'u diweddarau</li> <li>• Cynnyrch newydd yn cael eu lansio yn y siop</li> <li>• Arddangosfa 1: 25 Mlynedd o Ddatganoli – Mewn partneriaeth ag archif Wleidyddol y Llyfrgell Genedlaethol, y Neuadd</li> <li>• Digwyddiad Panel y Llywydd – Senedd @ 25 – digwyddiad a gynhelir mewn partneriaeth â Chanolfan Llywodraethiant Cymru</li> </ul>
	Y Llywydd yn lansio 'Marchnadoedd' (un o ganlyniadau'r Adolygiad o'r Ystad)
<b>Mehefin</b>	Diwygio'r Senedd – Darlith y Llywydd
	Arddangosfa Tir a Môr gyda Mike Perry (Mehefin – Medi – Yr Oriel ac Oriel y Dyfodol, y Pierhead)
	Gallu cadw lle mewn Sesiynau Addysg ar leoliad gyfer y flwyddyn ysgol nesaf
<b>Gorffennaf</b>	Sioe Frenhinol Cymru (Eich Llais – Rhaglen Sioe Haf Ymgysylltu Cymunedol)
<b>Awst</b>	Yr Eisteddfod Genedlaethol (Eich Llais – Rhaglen Sioe Haf Ymgysylltu Cymunedol)
<b>Medi</b>	Arddangosfa 2: 'Eich Llais' – Arddangosfa astudiaeth achos, yr Oriel (yn rhedeg tan fis Tachwedd – rhan o ymgyrch 25 mlynedd)
	Arddangosfa o bortreadau Owain Glyndwr, noddir gan Russell George AS, y Gornel Guradu yn y Senedd (y Neuadd)
	Arddangosfa <i>Witnessing Wales</i> , noddir gan Paul Davies AS, Oriel y Dyfodol, y Pierhead, Medi – Hydref



<b>Mis</b>	<b>Gweithgarwch ymgysylltu</b>
<b>Hydref</b>	Mis Hanes Pobl Dduon (gweithgaredd i'w gadarnhau)
<b>Tachwedd</b>	Etholiad Senedd leuenctid Cymru
	Dydd y Cofio (gweithgaredd i'w gadarnhau)
<b>Rhagfyr</b>	Cyhoeddi Aelodau Senedd leuenctid Cymru
	Diwrnod Rhyngwladol Pobl ag Anabledd (gweithgaredd i'w gadarnhau)
	Y Nadolig (digwyddiad carolau – manylion i'w cadarnhau)
<b>Ionawr</b>	Diwrnod Cofio'r Holocost (gweithgaredd i'w gadarnhau)
<b>Chwefror</b>	Sesiwn Breswyl Senedd leuenctid Cymru, a detholiad o faterion blaenoriaeth
	Mis Hanes LGBT (gweithgaredd i'w gadarnhau)
<b>Mawrth</b>	Dydd Gŵyl Dewi (gweithgaredd i'w gadarnhau)
	Diwrnod Rhyngwladol y Menywod (gweithgaredd i'w gadarnhau)

# Rhaglen Ymgysylltu 2024-25

Chwefror 2024

## Diben a chrynodeb

Diben y papur hwn yw nodi'r Rhaglen Ymgysylltu allanol ar gyfer 2024-25 yn unol ag amcanion y Strategaeth Cyfathrebu ac Ymgysylltu'r Comisiwn ar gyfer y Chweched Senedd.

## Y cefndir

Yn dilyn ailstrwythuro yn 2022-23, ail-bwrpaswyd Gwasanaethau Ymgysylltu i gyflawni ei amcanion o dan y tri philer ymgysylltu:

- Profiad Ymwelwyr a Gwasanaethau Cwsmeriaid
- Digwyddiadau
- Rhaglenni ymgysylltu

Mae ein strategaeth yn ceisio meithrin ymddiriedaeth gyda'n cynulleidfa ac ailddatgan y Senedd fel calon democratiaeth yng Nghymru.

Rydym am i'r cyhoedd fod yn fwy gwybodus am rôl y Senedd, a'i lle yn nemocratiaeth Cymru. Rydym am iddynt wybod ble i ddod o hyd i wybodaeth a – lle bo'n berthnasol – sut i gymryd rhan.

Mae ein strategaeth yn gosod rhoi profiadau bywyd pobl wrth ei gwraidd. Ei nod yw meithrin gwell dealltwriaeth o waith y Senedd a'i effaith ar fywydau pobl, gan ddarparu mwy o gyfleoedd i bobl o bob cefndir gymryd rhan yn ei gwaith a meithrin mwy o ymddiriedaeth yn y Senedd, fel senedd sy'n gynhwysol a hygyrch i bawb.

Byddwn yn cyflawni hyn drwy gymryd y camau canlynol:

- Cynyddu ymwybyddiaeth o'r rôl y mae'r Senedd yn ei chwarae
- Gwella dealltwriaeth o waith y Senedd
- Cynyddu cyfranogiad a chynnwys pobl yn ein gwaith

Yn 2023, cyflawnodd timau o fewn Gwasanaethau Ymgysylltu y canlyniadau canlynol:

## Profiad Ymwelwyr a Gwasanaethau Cwsmeriaid

- Croesawyd dros **150,000** o ymwelwyr i'r Senedd a'r Pierhead, a chynhaliwyd **535** o deithiau tywys, gyda chyfuniad o deithiau ar leoliad ac ar-lein. Aeth **12,800** o gyfranogwyr ar y teithiau hynny.
- Yn ôl mwy na **75%** o'r rheini gwnaethom ymgysylltu â nhw, roedd lefel eu hymwybyddiaeth a'u dealltwriaeth wedi cynyddu yn dilyn y weithgaredd. Doedd oddeutu **70%** ohonynt erioed wedi ymgysylltu â'r Senedd o'r blaen.
- Fe wnaethom ddelio â chyfanswm o **14,000** o ymholiadau, rhwng galwadau ffôn a negeseuon e-bost.

## Digwyddiadau

### *Neilltuo lleoliadau, digwyddiadau a noddir gan Aelodau a digwyddiadau mawr*

- Atebwyd **14,413** o ymholiadau gennym. Roedd hyn yn cynnwys **8,272** ymholiad ynghylch neilltuo ystafelloedd a **5,098** ymholiad ynghylch neilltuo digwyddiadau.
- Fe wnaethom neilltuo tua. **2,580** o ystafelloedd ar yr ystad a chynnal **214** o ddigwyddiadau a noddir gan Aelodau.
- Aeth **764** o bobl, at ei gilydd, i un o **10** digwyddiad dan arweiniad y Senedd wedi'u cynnal ar yr ystad.
- Fe fuom yn sgwrsio â **6159** o bobl yn Eisteddfod yr Urdd, y Sioe Fawr a'r Eisteddfod Genedlaethol.

## Rhaglenni Ymgysylltu (y tîm Ymgysylltu â Dinasyddion a'r timau Addysg, a Senedd Ieuenctid Cymru)

### *Ymgysylltu â dinasyddion*

- Fe wnaethom ymgysylltu â **3,140** o bobl a chefnogi **46** o ymchwiliadau pwyllgor.
- Fe wnaethom hwyluso cyfanswm o **232** o grwpiau ffocws, cyfweiliadau, grwpiau cynghori, a holiaduron, ac ailddefnyddio data ymgysylltu fel modd o osgoi syrffed ar ymgynghori (h.y. argyfwng costau byw).

### *Addysg a Senedd Ieuenctid Cymru*

- Fe wnaeth dros **23,000** o bobl ifanc gymryd rhan mewn **577** o'n sesiynau addysg, ac fe wnaeth **98%** o bobl ifanc sôn fod hyd a lled eu dealltwriaeth wedi cynyddu ar ôl cymryd rhan mewn sesiwn addysg.
- Fe wnaethom ddelio â **760** o ymholiadau allanol o ran cyfranogiad aelodau Senedd Ieuenctid Cymru yn 2023, gan gynnwys cymryd rhan mewn nifer o gyfweiliadau a digwyddiadau ar y cyfryngau. At hynny, fe wnaethom gefnogi'r broses o gwblhau dau o ymgynghoriadau'r Senedd Ieuenctid, lansio adroddiadau a thrafodaethau Gweinidogol, yn ogystal â hwyluso sesiwn breswyl olaf y Senedd Ieuenctid yn yr ail dymor.

## Gweithgarwch ymgysylltu a phrosiectau

Ar draws y tri philer ymgysylltu, mae'r canlynol ymhlith ein gweithgareddau rheolaidd 'busnes fel arfer':

- Croesawu ymwelwyr i'n hystâd a darparu gwasanaeth cwsmeriaid (ymholiadau cyswllt cyntaf wyneb yn wyneb, dros y ffôn ac ar e-bost).
- Teithiau tywys (ar leoliad ac ar-lein).
- Arddangosfeydd (a noddir gan aelodau ac o dan arweiniad y Senedd).
- Cyflenwi'r siop chael nwyddau er mwyn creu incwm.
- Digwyddiadau a noddir gan Aelodau.
- Neilltuo ystafelloedd ar yr ystad.
- Digwyddiadau a chynyrchiadau mawr.
- Casglu profiadau byw ar gyfer ymchwiliadau amrywiol gan bwyllgorau.
- Ymweliadau ag ysgolion, ac ysgolion yn ymweld â ni.
- Rhedeg Senedd leuenctid Cymru.

Yn ogystal â gweithgarwch ymgysylltu busnes fel arfer, rydym yn gweithio ar nifer o brosiectau mewnol:

- Parhau i gyflawni yn erbyn y Strategaeth Gyfathrebu ac Ymgysylltu ar gyfer y Chweched Senedd – adolygiad hanner ffordd wedi'i gwblhau.
- System Rheoli Perthynas â Chwsmeriaid, cyflwyno cynllun peilot 12 mis yn seiliedig ar y 'prawf cysyniad' presennol – tra'n aros am gymeradwyaeth ariannol.
- Offer newydd at ddibenion ymgysylltu ar-lein – tra'n aros am gymeradwyaeth ariannol.
- Cyflwyno argymhellion cymeradwy o'r Adolygiad o'r Ystad.
- Cwblhau'r adolygiad o Gymhorthdal Teithio i'r Ysgol.
- Adolygu ymgysylltiad ysgolion (ymagwedd at ymweliadau, ac adnoddau).
- Gwelliannau parhaus i ddulliau casglu a gwerthuso data.
- Datblygu a chyflwyno strategaeth partneriaeth, gan weithio gyda'r Gwasanaeth Cyfathrebu.

At hynny, rydym yn ymwneud â gwaith ar draws dwy o raglenni mawr y Senedd:

- Diwygio'r Senedd (gan gynnwys paratodau ar gyfer trosglwyddo i'r Seithfed Senedd, ac ymgyrch etholiadol y Senedd).
- Ffyrdd o Weithio.

## **Y Rhaglen Ymgysylltu ar gyfer 2024-25**

Yn ogystal â'r uchod, mae'r tabl isod yn rhoi amlinelliad o'n rhaglen ymgysylltu ar gyfer 2024-25.

Nid yw hon yn amserlen derfynol o weithgarwch a gall newid yn dibynnu ar flaenoriaethau cystadleuol, ac anghenion cyllidebol. At hynny, mae rhywfaint o'n gweithgarwch yn dibynnu ar y Comisiwn yn cytuno ar y dull o nodi diwrnodau arwyddocaol.

<b>Mis</b>	<b>Gweithgarwch ymgysylltu</b>
<b>Ebrill</b>	Arddangosfa Senedd Ieuentid Cymru – noddir gan y Llywydd Yr Oriel, Chwefror – Mai
	Tapestri Peredur – noddir gan Paul Davies AS Cornel Curadu (Y Neuadd), Mawrth – Mai
	<i>What a Scenery</i> – noddir gan Heledd Fychan AS a Darren Millar AS Oriel y Dyfodol, y Pierhead, Ebrill – Mai
<b>Mai</b>	Eisteddfod yr Urdd – lansio ymgyrch etholiad Senedd Ieuentid Cymru (Eich Llais – Rhaglen Sioe Haf Ymgysylltu Cymunedol)
	Lansio ymgyrch 25 mlynedd: <ul style="list-style-type: none"> <li>• Sgriptiau teithiau tywys wedi'u diweddarau</li> <li>• Cynnyrch newydd yn cael eu lansio yn y siop</li> <li>• Arddangosfa 1: 25 Mlynedd o Ddatganoli – Mewn partneriaeth ag archif Wleidyddol y Llyfrgell Genedlaethol, y Neuadd</li> <li>• Digwyddiad Panel y Llywydd – Senedd @ 25 – digwyddiad a gynhelir mewn partneriaeth â Chanolfan Llywodraethiant Cymru</li> </ul>
	Y Llywydd yn lansio 'Marchnadoedd' (un o ganlyniadau'r Adolygiad o'r Ystad)
<b>Mehefin</b>	Diwygio'r Senedd – Darlith y Llywydd
	Arddangosfa Tir a Môr gyda Mike Perry (Mehefin – Medi – Yr Oriel ac Oriel y Dyfodol, y Pierhead)
	Gallu cadw lle mewn Sesiynau Addysg ar leoliad gyfer y flwyddyn ysgol nesaf
<b>Gorffennaf</b>	Sioe Frenhinol Cymru (Eich Llais – Rhaglen Sioe Haf Ymgysylltu Cymunedol)
<b>Awst</b>	Yr Eisteddfod Genedlaethol (Eich Llais – Rhaglen Sioe Haf Ymgysylltu Cymunedol)
<b>Medi</b>	Arddangosfa 2: 'Eich Llais' – Arddangosfa astudiaeth achos, yr Oriel (yn rhedeg tan fis Tachwedd – rhan o ymgyrch 25 mlynedd)
	Arddangosfa o bortreadau Owain Glyndwr, noddir gan Russell George AS, y Gornel Guradu yn y Senedd (y Neuadd)
	Arddangosfa <i>Witnessing Wales</i> , noddir gan Paul Davies AS, Oriel y Dyfodol, y Pierhead, Medi – Hydref

<b>Mis</b>	<b>Gweithgarwch ymgysylltu</b>
<b>Hydref</b>	Mis Hanes Pobl Dduon (gweithgaredd i'w gadarnhau)
<b>Tachwedd</b>	Etholiad Senedd leuenctid Cymru
	Dydd y Cofio (gweithgaredd i'w gadarnhau)
<b>Rhagfyr</b>	Cyhoeddi Aelodau Senedd leuenctid Cymru
	Diwrnod Rhyngwladol Pobl ag Anabledd (gweithgaredd i'w gadarnhau)
	Y Nadolig (digwyddiad carolau – manylion i'w cadarnhau)
<b>Ionawr</b>	Diwrnod Cofio'r Holocost (gweithgaredd i'w gadarnhau)
<b>Chwefror</b>	Sesiwn Breswyl Senedd leuenctid Cymru, a detholiad o faterion blaenoriaeth
	Mis Hanes LGBT (gweithgaredd i'w gadarnhau)
<b>Mawrth</b>	Dydd Gŵyl Dewi (gweithgaredd i'w gadarnhau)
	Diwrnod Rhyngwladol y Menywod (gweithgaredd i'w gadarnhau)